

საქართველოს სასჯელაღსრულებისა და პრობაციის მინისტრის

ბრძანება №73

2018 წლის 21 მარტი

ქ. თბილისი

„შინაპატიმრობის აღსრულების წესის დამტკიცების შესახებ“ საქართველოს სასჯელაღსრულებისა და პრობაციის მინისტრის 2017 წლის 28 დეკემბრის №146 ბრძანებაში ცვლილების შეტანის თაობაზე
„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„შინაპატიმრობის აღსრულების წესის დამტკიცების შესახებ“ საქართველოს სასჯელაღსრულებისა და პრობაციის მინისტრის 2017 წლის 28 დეკემბრის №146 ბრძანებით (საქართველოს საკანონმდებლო მაცნე, (www.matsne.gov.ge) 29/12/2017, 100110000.22.038.016904) დამტკიცებულ წესში შეტანილ იქნეს შემდეგი ცვლილება:

1. მე-12 მუხლის:

ა) მე-6 პუნქტი ჩამოყალიბდეს შემდეგი რედაქციით:

„6. აპარატურის დაზიანების გარეშე, შინაპატიმრობის მოხდის ან შინაპატიმრობის აღსრულების ვადამდე შეწყვეტის შემთხვევაში, შინაპატიმრობის მოხდის/შინაპატიმრობის აღსრულების ვადამდე შეწყვეტის შემდეგ, თანხის შემომტან პირს, წერილობითი მოთხოვნის საფუძველზე, სრულად უბრუნდება ამ მუხლის მე-2 პუნქტის „ა“ ქვეპუნქტის შესაბამისად, სააგენტოს დეპოზიტზე განთავსებული თანხა, სააგენტოში წერილობითი მოთხოვნის წარდგენიდან 10 სამუშაო დღის ვადაში, მის მიერ მითითებულ საბანკო რეკვიზიტებზე. წერილობით განცხადებას უნდა დაერთოს თანხის შემომტანი პირის პირადობის დამადასტურებელი დოკუმენტის და სააგენტოს დეპოზიტზე თანხის განთავსების დამადასტურებელი დოკუმენტის ასლები.“;

ბ) მე-6 პუნქტის შემდგომ დაემატოს შემდეგი შინაარსის 6¹- 6³ პუნქტები:

„6¹. აპარატურის დაზიანების შემთხვევაში, შინაპატიმრობის მოხდის ან შინაპატიმრობის აღსრულების ვადამდე შეწყვეტისას, დეპოზიტზე განთავსებულ თანხას გამოაკლდება მიყენებული ზიანის პროპორციული თანხის ოდენობა და დარჩენილი თანხა დაუბრუნდება თანხის შემომტან პირს ამ მუხლის მე-6 პუნქტით დადგენილი წესით.

6². ელექტრონული ზედამხედველობის გარეშე შინაპატიმრობის აღსრულების გაგრძელების შემთხვევაში, სააგენტოს დეპოზიტზე განთავსებული თანხა შემომტან პირს დაუბრუნდება ამ მუხლის მე-6 პუნქტით გათვალისწინებული წესით.

6³. იმ შემთხვევაში, თუ სამინისტროს ადგილობრივ საბჭოს გადაწყვეტილების მიღებამდე წარედგინა ამ მუხლის მე-2 პუნქტის „ა“ ქვეპუნქტით გათვალისწინებული გარანტია და სამინისტროს ადგილობრივი საბჭოს მიერ არ დაკმაყოფილდა შუამდგომლობა სასჯელის მოუხდელი ნაწილის უფრო მსუბუქი სახის სასჯელით – შინაპატიმრობით შეცვლის თაობაზე, სააგენტოს დეპოზიტზე განთავსებული თანხა, შესაბამისი წერილობითი მოთხოვნის საფუძველზე, სრულად უბრუნდება თანხის შემომტან პირს, სააგენტოში წერილობითი მოთხოვნის წარდგენიდან 10 სამუშაო დღის ვადაში, მის მიერ მითითებულ საბანკო რეკვიზიტებზე. წერილობითი მოთხოვნას თან უნდა დაერთოს სააგენტოს დეპოზიტზე თანხის განთავსების დამადასტურებელი დოკუმენტი და თანხის შემომტანი პირის პირადობის დამადასტურებელი დოკუმენტის ასლი.“;

გ) მე-7 პუნქტი ჩამოყალიბდეს შემდეგი რედაქციით:

„7. აპარატურის დაზიანების შემთხვევაში სააგენტოს ეკონომიკური სამმართველო, ბიუროს დასაბუთებული შეტყობინების საფუძველზე, უბრუნველყოფს დაზიანებით მიყენებული ზიანის ასანაზღაურებლად ამ მუხლის მე-2 პუნქტის „ა“ ქვეპუნქტის შესაბამისად, სააგენტოს დეპოზიტზე განთავსებული სრული თანხის ან



მისი ნაწილის მიქცევას, მიყენებული ზიანის ოდენობის პროპორციული ოდენობით. სააგენტოს დეპოზიტზე განთავსებული თანხის ან მისი ნაწილის, დაზიანებით მიყენებული ზიანის ასანაზღაურებლად მიქცევიდან ერთი თვის ვადაში, სააგენტოს მიერ აღნიშნულის შესახებ წერილობით ეცნობება მსჯავრდებულს, ხოლო არასრულწლოვანი მსჯავრდებულის შემთხვევაში მის კანონიერ წარმომადგენელს.“.

2. დანართი №11 ჩამოყალიბდეს თანდართული რედაქციით.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს სასჯელაღსრულებისა
და პრობაციის მინისტრი

კახა კახიშვილი

დანართი №11

შინაპატიმრობის ელექტრონული ზედამხედველობის საშუალების დაზიანებით მიყენებული ზიანის ანაზღაურების გარანტიის ფორმის არჩევა და მსჯავრდებულის/კანონიერი წარმომადგენლის თანხმობა

შედეგის ადგილი

შედეგის თარიღი (რიცხვი, თვე, წელი)

მსჯავრდებულის:

სახელი და გვარი _____

პირადი ნომერი _____

არასრულწლოვანი მსჯავრდებულის კანონიერი წარმომადგენლის:

სახელი და გვარი _____

პირადი ნომერი _____

☐ შინაპატიმრობის ელექტრონული ზედამხედველობის საშუალების სრული ღირებულების ოდენობით ფულადი თანხის განთავსება სააგენტოს სპეციალურ სადეპოზიტო ანგარიშზე შინაპატიმრობის ელექტრონული ზედამხედველობის საშუალების დამაგრებიდან 7 დღის განმავლობაში;

☐ შინაპატიმრობის ელექტრონული ზედამხედველობის საშუალების დაზღვევის შესახებ შესაბამისი სადაზღვევო პოლისის წარმოდგენა ბიუროში, ნებისმიერი ლიცენზირებული სადაზღვევო კომპანიიდან შინაპატიმრობის ელექტრონული ზედამხედველობის საშუალების დამაგრებიდან 7 დღის განმავლობაში;

☐ ლიცენზირებული საბანკო ან სადაზღვევო დაწესებულებიდან სათანადო საბანკო გარანტიის წარმოდგენა შინაპატიმრობის ელექტრონული ზედამხედველობის საშუალების დამაგრებიდან 7 დღის განმავლობაში.

ზემოჩამოთვლილთაგან შევარჩიე შინაპატიმრობის ელექტრონული ზედამხედველობის საშუალების დაზიანებით მიყენებული ზიანის ანაზღაურების ჩემთვის მისაღები გარანტიის ფორმა და თანახმა ვარ განვახორციელო შესაბამისი ღონისძიება, რასაც ვადასტურებ ხელმოწერით.

მსჯავრდებულის/კანონიერი წარმომადგენლის ხელმოწერა:

(თუ მსჯავრდებულის/კანონიერი წარმომადგენელი უარს აცხადებს თანხმობაზე ან თანხმობის შესახებ ხელმოწერაზე, კეთდება ჩანაწერი უარის თქმის მიზეზის მითითებით)



პრობაციის ოფიცრის სახელი და გვარი: _____

პრობაციის ოფიცრის ხელმოწერა: _____.

